

UP BUSINESS

Udruženje poslodavaca

Info Newsletter

U ovom broju čitajte:

- **Potpisan Kolektivni ugovor za djelatnost trgovine**
- **Na ESV-u razmatran Nacrt zakona o računovodstvu i reviziji**
- **Održan prvi sastanak Skupštine dobavljača kompanija koje posluju sa kompanijama u vlasništvu Agrokora u BiH**
- **Ministarstvo prometa i komunikacija BiH prihvatiло inicijativu za izmjenu člana Pravilnika o dimenzijama i ukupnoj masi i osovinskom opterećenju vozila**
- **UPFBiH uputilo Domu naroda PFBiH Amandman na Prijedlog Zakona o izmjenama i dopunama Zakona o unutrašnjoj trgovini FBiH**
- **Udruženje poslodavaca FBiH uputilo inicijativu za izmjenu Uputstva o postupka izvoza**
- **Poslodavci apeluju na hitno donešenje Zakon o šumama FBiH i na zabrani izvoza trupaca**

Potpisan Kolektivni ugovor za djelatnost trgovine

Grupacija poslodavaca trgovine pri Udruženju poslodavaca FBiH i Sindikat radnika trgovine i uslužnih djelatnosti potpisali su 11. jula 2017. godine Kolektivni ugovor za djelatnost trgovine. Ugovor reguliše važenje kolektivnog ugovora, pitanja iz radnih odnosa i način utvrđivanja plaće, visine obračuna povećanja plaće i naknade plaće, kao i druga prava iz radnih odnosa koja nisu definisana Zakonom i Općim kolektivnim ugovorom.

Udruženje poslodavaca FBiH i Sindikat, čime je napravljen prvi korak u rušenju stereotipa da je ovo sektor u kojem se masovno krše prava radnika.

Predsjedavajući pregovaračkog tima Grupacije poslodavaca iz oblasti trgovine Edin Ibrahimović zahvalio je Sindikatu na korektnim pregovorima, te naglasio da zajedno trebaju raditi na unapređenju poslovnog okruženja.



Mersiha Beširović, predsjednica Sindikata radnika trgovine i uslužne djelatnosti i Edin Ibrahimović, predsjedavajući pregovaračkog tima Grupacije poslodavaca trgovine pri UPFBiH



Zlatan Vujanović, ministar trgovine FBiH

Ugovor su potpisali Edin Ibrahimović ispred Udruženja poslodavaca Federacije BiH - Grupacije poslodavaca za djelatnost trgovine i Mersiha Beširović ispred Sindikata radnika trgovine i uslužnih djelatnosti.

Beširović je istakla da je ovo je prvi Kolektivni ugovor za djelatnost trgovine koji je potpisalo

Vlada FBiH kroz Reformsku agendu ide ka poboljšanju seta radno-pravnog zakonodavstva, istekao je ministar trgovine FBiH Zlatan Vujanović i dodao da će kvalitetni granski kolektivni, kvalitetno poduzetništvo i kvalitetna privredna klima rezultovati stabilnijim poslovnim okruženjem i poslovanjem trgovačkih preduzeća što će

samim tim osigurati stabilniji i povoljniji status uposlenih u ovoj djelatnosti

u iznosu manjem od 1,62 KM neto prije oporezivanja.



Edin Ibrahimović, predsjedavajući pregovaračkog tima Grupacije poslodavaca trgovine pri UPFBiH i Mladen Pandurević, direktor UPFBiH



Direktor Udruženja poslodavaca FBiH Mladen Pandurević upoznao je prisutne da je ovo šesti kolektivni ugovor koji potpisuje Udruženje, a da su u pripremi još dva – iz djelatnosti građevine i iz djelatnosti finansija, te da je ovim izražena spremnost za unapređenjem socijalnog dijaloga i kolektivnog pregovaranja.

Potpisnici ovoga kolektivnog ugovora suglasni su da visina najniže satnice u oblasti trgovine, bude najniža satnica utvrđena Općim kolektivnim ugovorom za teritoriju FBiH te način uvećanja iste za doprinose iz plaće. Samo u izuzetnim slučajevima, može se utvrditi niža od najniže satnice definirane Općim kolektivnim ugovorom za teritoriju Federacije BiH i može trajati najduže šest mjeseci u kalendarskoj godini.

Niža od najniže satnice ne može biti utvrđena

Prema potpisanim ugovorom, poslodavac je obavezan radniku osigurati ishranu u toku radnog vremena (topli obrok), za dane koje je radnik proveo na radu. Ukoliko poslodavac ne osigurava ishranu, radniku se isplaćuje naknada u dnevnom iznosu 0,7-1,0 % od prosječne neto plaće, prema posljednjim objavljenim podacima Federalnog zavoda za statistiku.

Kolektivni ugovor za djelatnost trgovine FBiH se zaključuje na period do 31.12.2017. godine.

Na ESV-u razmatran Nacrt zakona o računovodstvu i reviziji

Članovi Ekonomsko-socijalnog vijeća Federacije Bosne i Hercegovine na vanrednoj sjednici održanoj 12.07.2017. godine razmatrali su Nacrt zakona o računovodstvu i reviziji u FBiH.



Federalna ministrica finansija Jelka Milićević novinarima je kazala da je na konsultacije pred socijalne partnere Nacrt stavljen jer se radi o veoma bitnom zakonu, a da se kao i ranije nisu mogli usaglasiti o pitanju treba li raditi reviziju za srednja preduzeća kada je vlasnik jedna osoba.

Zahtjev poslodavaca je da se ne radi revizija u takvim preduzećima, a predlagač, Ministarstvo finansija, ne dijeli takvo mišljenje.


"Vratili smo se i danas na problem u vezi s kojim nikada nismo mogli naći zajedničku riječ. U Ministarstvu smo stava da revizija treba biti provođena i u srednjim preduzećima u interesu zaštite svih strana. Bez obzira na to

koliko je vlasnika u srednjim preduzećima i oni bi trebali imati reviziju koja će potvrditi da se poslovanje vodi u skladu s principima, odnosno međunarodnim računovodstvenim standardima i finansijskim izvještavanjima", istakla je Milićević.

Isto mišljenje prisutni na sjednici Ekonomsko-socijalnog vijeća nisu našli ni u vezi s tarifom revizijskih usluga.

Milićević je poručila da je Nacrt zakona o računovodstvu i reviziji u FBiH rađen da bude u interesu malih i velikih revizorskih kuća te srednjih i velikih poslodavaca.

"Do sada smo imali situacija da su neki neozbiljno radili revizorski posao i želimo da sve revizore dovedemo, zakonskim rješenjem, u isti položaj", dodala je Milićević.



Podsjetila je da Federacija BiH ima Zakon o računovodstvu i reviziji koji je usvojen 2009. godine, a u primjeni od početka 2010. godine. Nijedna izmjena nije urađena u tom zakonu, a mnoge stvari su se mijenjale, stoga, naglašava Milićević, neophodnost promjene je neupitna.

Pred početak sjednice predsjednik ESV-a Edhem Biber novinarima je rekao da je Vlada FBiH insistirala na ovom zakonu da bi se revizija ubuduće radila na kvalitetniji i odgovorniji način nego do sada.

Istakao je da su uočeni određeni problemi prilikom revizije u državnim institucijama.

"Uočeni su određeni problemi, nedostaci, pa čak i loše upravljanje državnim sredstvima za što niko nije odgovarao", naveo je Biber. Izrazio je nadu da će se nakon ovog zakona odgovornije ponašati prema javnim sredstvima.

Udruženje poslodavaca FBiH je Ekonomsko-socijalnom vijeću FBiH uputilo 15 amandmana na Zakon o računovodstvu i reviziji, koje možete preuzeti na linku [OVDJE](#).

Također, na ESV-u se također raspravljalo i o izmjenama i dopunama Zakona o doprinosima, i Zakonu o porezu na dohodak.

Amandmane na Nacrt zakona o doprinosima možete preuzeti [OVJDE](#), a amandmane na Nacrt zakona o porezu na dohodak OVDJE.

Sjednici su prisustvovali članovi ESV-a, predstavnici Vlade FBiH, Saveza samostalnih sindikata BiH i Udruženja poslodavaca FBiH.

Održan prvi sastanak Skupštine dobavljača kompanija koje posluju sa kompanijama u vlasništvu Agrokora u BiH

Na prijedlog Grupacije poslodavaca Tuzlanskog kantona, Udruženje poslodavaca u Federaciji BiH pokrenulo je aktivnosti na formiranju Skupštine dobavljača koji posluju sa kompanijama u vlasništvu Agrokora u Bosni i Hercegovini. S tim u vezi dana 13.07.2017. godine održan je prvi sastanak Skupštine dobavljača u Sarajevu.



Na sastanku je utvrđen jednoglasan zahtjev da se pod hitno u sve buduće aktivnosti oko rješavanja problema dobavljača koji posluju sa kompanijama u vlasništvu Agrokora BiH aktivnije uključi Vlada Federacije BiH i Vijeće ministara BiH i to putem konkretne pomoći. Ta pomoć bi se ogledala u donošenju interventnih mjera države po uzoru na zemlje okruženja (Srbija, Slovenija).

Nakon diskusije zaključeno je da je potrebno imenovati pregovarački tim radi lakše i

efikasnije komunikacije sa dužnicima. Na sastanku je jednoglasno prihvaćeno imenovanje osam članova pregovaračkog tima Skupštine dobavljača i to:

- Miljenko Mićo Crnjac (MCI, Široki Brijeg)
- Vedad Ališić (Bihaćka pivovara, Bihać)
- Mensur Alić (Menprom, Tuzla)
- Nihad Imširević (Klas, Sarajevo)
- Petar Ćorluka (Violeta, Grude)
- Krasnodar Petrović (Planet, Posušje)
- Jadranka Penava (Mljekara Meggle, Posušje)
- Senad Hadžimušić (Fabrika duhana Sarajevo)

Za predsjedavajućeg pregovaračkog tima imenovan je Miljenko Mićo Crnjac vlasnik kompanije MCI iz Širokog Brijega.

Predsjedavajući pregovaračkog tima je nakon održanog sastanka pozvao imenovane članove pregovaračkog tima da odmah definišu sljedeće aktivnosti u vezi zaštite interesa dobavljača koji posluju sa kompanijama u vlasništvu Agrokora BiH.

Na sastanku pregovaračkog tima je dogovoren da se što hitnije zatraži sastanak sa predsjedavajućim Vijeća ministara BiH

Denisom Zvizdićem i premijerom Vlade BiH Fadilom Novalićem, uz uključenje resornih ministara, kako bi se definisali konkretni oblici pomoći državnih institucija pri rješavanju ovog problema.

Osim ovog sastanka potrebno je održati i sastanak sa vanrednim povjerenikom Agrokora Antonom Ramljakom u cilju pojašnjenja modaliteta koji je predložen u BiH ali i prezentiranja stava dobavljača u odnosu na predloženi modalitet. Potrebno je u

definisanju rješenja problema u BiH uključiti i dobavljače iz RS-a putem Unije udruženja poslodavaca RS-a. U definisanju aktivnosti koje je neophodno poduzeti za rješenje problema nužno je analizirati rješenja koja su primjenjuju a u zemljama okruženja (Srbija, Sovenija). S ovim u vezi su zaduženi pojedini čanovi pregovaračkog tima kao i Udruženje poslodavaca FBiH da pribave informacija o aktivnostima koje su poduzele navedene zemlje okruženja u cilju zaštite vlastitih interesa.

Mercator će u BiH preuzeti 83 radnje, od septembra isplata dobavljačima

Povjerenik Vlade Republike Hrvatske za Agrokor Ante Ramljak sastao se 13. jula 2017. godine s bh. dobavljačima u Sarajevu, kazavši nakon sastanka da će Konzum ostati sa svojih 170 poslovnica koje su bile u njihovom vlasništvu prije spajanja s Mercatorom, a da će Mercator preuzeti 83 radnje te da će te dvije grupacije poslovati odvojeno.



"Sve analize koje smo uradili u ovih mjesec

dana su pokazale da je najbolja i najisplativija solucija da razdvojimo Mercator od Konzuma i da se vratimo na početnu tačku", kazao je Ramljak.

Prema njegovim riječima, to se kao najbolja solucija pokazalo i na današnjem sastanku s dobavljačima.

"Vjerujem da ćemo vratiti njihovo povjerenje i da ćemo nastaviti poslovanje. Isplate dobavljačima će biti već u septembru", istakao je Ramljak.

On je dodao i da neće biti naglog otpuštanja radnika te da u nekim radnjama postoji i manjak radne snage. Ipak kazao je da će se nakon smirivanja situacije u Konzumu ići u dokapitalizaciju te firme.

Ramljak je rekao kako će dio sredstava koja su dobili od Vlade Republike Hrvatske prebaciti u BiH, kako bi izmirili dugovanja koja prema dobavljačima iznose 80 miliona KM. Kazao je kako neće izlaziti s konkretnim podacima o tome koliko prodavnica je neprofitabilno i koliko će ih zatvoriti, jer je u toku analiza koja će biti završena za dva-tri mjeseca, nakon koje će donijeti odluke.

"Neophodno nam je restrukturiranje, odnosno smanjenje troškova poslovanja i to se ne svodi nužno na zatvaranje radnji i otpuštanje ljudi. Ponavljam da ćemo uraditi sve da što više ljudi iz tih prodavnica prebacimo na neka druga radna mjesta u okviru grupacije. Što se tiče rentabilnih prodavnica, neke će biti zatvorene jer ćemo time smanjiti troškove zbog ukidanja najma", rekao je Ramljak.

je da u razgovorima s Konzumom sve vrijeme imaju transparentan odnos.



"Mi kao dobavljač nismo sumnjali u to, a danas je potvrđeno da će Konzum prihvatići sva potraživanja i da će ih isplatiti u određenom vremenskom periodu. Konzum u BiH je značajan radi očuvanja tržišta, pogotovo kada je riječ o kompanijama", kazao je.

Razdvajanje Konzuma i Mercatora počinje 1. augusta, a bit će okončano 1. septembra.

Direktor sarajevskog Milkosa Adin Fakić kazao

Ministarstvo prometa i komunikacija BiH prihvatiло inicijativу UPFBiH za izmjenu člana Pravilnika o dimenzijama i ukupnoj masi i osovinskom opterećenju vozila



Savjetnik ministra Šadi Matar informirao je članove UPFBiH da je podržana inicijativa Udruženja za izmjenu člana 46. Pravilnika o dimenzijama i ukupnoj masi i osovinskom opterećenju vozila, o uređajima i opremi koju

moraju imati vozila i o osnovnim uvjetima koje moraju ispunjavati uređaji i oprema u saobraćaju na cestama, te da će se ići na izmjene i dopune pomenutog pravilnika.

Udruženje je ukazalo na nelogičnost člana 46. prema kojem je dozvoljeno isticanje reklame na zadnjim vratima vozila ukoliko se na njima nalazi lim, a ako je riječ o staklu isticanje reklame nije dozvoljeno. Policija je koristila nelogičnost Pravilnika, te isti tumačila po vlastitoj volji, što je određene firme koštalo i po pet hiljada KM mjesечно.

Privatni poštanski operateri traže da budu uključeni u izradu Zakona o poštama

Predstavnici Ministarstva prometa i komunikacija BiH i UPFBiH 06. jula 2017. godine održali su sastanak u vezi sa problemima sa kojima se privatni poštanski operateri susreću zbog nedostataka i propusta u Zakonu o poštama BiH. Sastanku su ispred Ministarstva prisustvovali savjetnik ministra Šadi Matar, Senada Čengić iz Sektora za komunikaciju i informatizaciju i Miroslav Đerić iz Sektora za transport, a ispred Udruženja Emir Emšo, direktor DHL-a International, Hadis Kustura direktor MHS-a i Mladen Pandurević, direktor Udruženja poslodavaca FBiH.

Poslodavci su zatražili od Ministarstva da se i privatni poštanski operateri uključe u radne grupe za izradu i izmjene zakona i propisa u oblasti poštanskog prometa, te da im se nacrt novog zakona pošalje na uvid. Ukažali su na brojne propuste aktuelnog Zakona o poštama BiH, kao i na neravnopravan tretman Uprave za indirektno oporezivanje prema javnim i prema privatnim poštanskim operaterima.

Iz Ministarstva ističu da je cilj ministarstva uvažiti potrebe privrede, te da im je saradnja sa poslodavcima od izuzetnog značaja.

UPFBiH uputilo Domu naroda PFBiH Amandman na Prijedlog Zakona o izmjenama i dopunama Zakona o unutrašnjoj trgovini FBiH



Udruženje poslodavaca FBiH uputilo je Amandman na Prijedlog Zakona o izmjenama i dopunama Zakona o unutrašnjoj trgovini FBiH Domu naroda Parlamentu FBiH. Amandman je upućen s ciljem smanjenja cijena poslovanja, te bi njegovo usvajanje doprinijelo povećanju konkurentnosti koje bi uticalo na smanjenje cijena pojedinih proizvoda. Amandman je upućen klubovima delegata konstitutivnih naroda, kao i predsjedavajućoj Doma naroda PFBiH.

Inicijativu je predložila kompanija DM drogerie markt, a podržao ju je Upravni odbor Udruženja poslodavaca FBiH, ako i Upravni odbor Grupacije poslodavaca za djelatnost trgovine na sjednici održanoj 21.06.2017. godine.

Predloženim zakonskim rješenjem se usložnjava poslovanje i povećavaju se troškovi

poslovanja kod poslodavca, te se ne doprinosi kontroli zakonitog poslovanja. Radi se o klasičnom parafiskalnom nametu jer zakon propisuje obavezu ponašanja, a ona poslodavca košta i to potpuno nepotrebno.

Prijedlog Udruženja je da se u članu 25. uvrsti novi stav 9. koji glasi:

„Ako se na proizvodu nalazi bar code ili druga oznaka na osnovu koje se može istaknuta cijena povezati sa prijemnim listom ili rednim brojem zaduženja u trgovačkoj knjizi, onda trgovac nije dužan da postupi prema stavu 8. ovog člana.“

Predloženi amandman je u skladu sa direktivama EU i sa načinom poslovanja trgovaca u zemljama EU. Udruženje poslodavaca FBiH i poslodavci ovog entiteta očekuju usvajanje amandmana koji će omogućiti jasnije i jednostavnije poslovanje i doprinijeti većoj kontroli zakonitosti poslovanja.

Amandman na Prijedlog Zakona o izmjenama i dopunama Zakona o unutrašnjoj trgovini

U članu 25. Prijedloga Zakona o izmjenama i dopunama Zakona o unutrašnjoj trgovini dodaje se novi stav 9. koji glasi:

„Ako se na proizvodu nalazi bar code ili druga oznaka na osnovu koje se može istaknuta cijena povezati sa prijemnim listom ili rednim brojem zaduženja u trgovačkoj knjizi, onda trgovac nije dužan da postupi prema stavu 8. ovog člana.“

Dosadašnji stavovi 9. i 10. postaju stavovi 10. i 11.

Obrazloženje

Prema rješenju iz člana 25. stava 8. Zakona o unutrašnjoj trgovini FBiH trgovac je dužan uz oznaku cijene robe za prodaju ili pripremljene za prodaju označiti redni broj iz trgovačke knjige i godinu zaduženja na osnovu koje se može istaknuta cijena povezati sa prijemnim listom odnosno zapisnikom (evidencijski broj).

Ranijim Pravilnikom o obliku, sadržaju i načinu vođenja trgovačke knjige u FBiH, koji je bio na snazi do 2015. godine, članom 8. stavom 2. i 3. propisana je obaveza da se uz oznaku cijene robe označi redni broj iz trgovačke knjige, ali uz izuzetak za trgovce kod kojih se na proizvodu nalazi bar code ili druga oznaka na

osnovu koje se istaknuta cijena može povezati sa prijemnim listom, odnosno zapisnikom.

Međutim, 2015. godine donesene su izmjene i dopune pomenutog pravilnika, a stav 2. i 3. su iz nema neobjašnjivih razloga izbrisani.

Obaveza označavanja rednog broja iz trgovačke knjige i godine zaduženja nije ukinuta Prijedlogom Zakona o izmjenama i dopunama Zakona o unutrašnjoj trgovini.

Predloženim zakonskim rješenjem se znatno otežava poslovanje trgovcima na području Federacije BiH. Veliki broj trgovina ima prosječni dnevni ulaz oko 800 različitih artikala i obaveza označavanja rednog broja iz trgovačke knjige i godine zaduženja na svaki artikal oduzima mnogo vremena.

Ovakvom odredbom se usložnjava poslovanje i povećavaju troškovi poslovanja kod poslodavaca i ne doprinosi se kontroli zakonitog poslovanja. Radi se o klasičnom parafiskalnom nametu, jer zakon propisuje obavezu ponašanja a ona poslodavca košta i to potpuno nepotrebno.

Cilj bar codova je da omoguće lakše i jednostavnije poslovanje, smanje troškove i doprinesu većoj kontroli zakonitosti poslovanja. Ukoliko je pomoću njih moguće povezati proizvod sa prijemnim listom zašto onda raditi dupli posao i stavljati dodatne oznake, pogotovo što najveći broj proizvođača već označava bar kodom svoje proizbove.

Ovakvo rješenje nije poznato u propisima susjednih država.

U Republici Srpskoj ne postoji obaveza označavanja rednog broja iz trgovačke knjige i godine zaduženja, te se trgovci iz FBiH nalaze u neravnopravnom položaju u odnosu na trgovce iz Republike Srpske. Jedan od ciljeva reformske agende je harmonizacija entitetskih propisa, a usvajanjem predloženog amandmana ide se ka tom cilju.

Osvrnut ćemo se i na propise Republike Hrvatske u kojoj je ***Pravilnikom o obliku i načinu vođenja popisa robe u trgovini na malo*** skroz ukinuta obaveza trgovaca da uz cijenu robe izložene prodaji označavaju broj i

godinu iz dokumenta o zaduženju, odnosno zapisnika o promjeni cijena koji se odnosi na istaknutoj cijeni ili drugu oznaku po kojoj se istaknuta cijena može povezivati s dokumentom o zaduženju.

Obaveza označavanja broja iz trgovačke knjige i godine zaduženja ne postoji ni ***prema Zakonu o unutrašnjoj trgovini i Pravilniku o obliku i načinu vođenja trgovačke knjige*** u Crnoj Gori, niti u ***Zakonu o trgovini i Pravilniku o evidenciji prometa*** koji su na snazi u Republici Srbiji.

Predloženi amandman je u skladu sa Direktivama Europske komisije i sa načinom poslovanja trgovaca u zemljama Europske unije.

Udruženje poslodavaca FBiH uputilo inicijativu za izmjenu Uputstva o postupku izvoza

Krajem juna 2017. godine u prostorijama Udruženja poslodavaca FBiH održan je sastanak sa firmama koje imaju problem sa podnošenjem carinskih prijava u postupku izvoza. Naime, prema postojećem rješenju iz člana 4. Uputstva o postupku izvoza, carinske prijave se podnose u pisanom obliku ili korištenjem tehnike obrade podataka. Ovakav način je prevaziđen, oduzima puno vremena, ali i sredstava, te ne dovodi do poboljšanja kvaliteta carinskih kontrola.



Prilikom ulaska i izlaska robe u navedene zemlje ista se evidentira samo elektronski, stoga je izražena potreba za usaglašavanjem carinskih propisa u BiH sa carinskim propisima

susjednih država i Europske unije.

Također, prema postojećem rješenju iz člana 12. Uputstva o postupku izvoza carinski službenik izlaznog carinskog ureda fizički istup robe iz carinskog područja BiH potvrđuje zabilješkom na poleđini primjerka 3 EX 1 prijave. Ovjereni primjerak prijave se vraća deklarantu ili licu naznačenom u prijavi, te se dalje dostavlja pošiljaocu ili izvozniku.

Pošiljaoc/izvoznik mora u evidenciji imati taj primjerak u fizičkom obliku, za potrebe kontrole stvarnog istupa robe, poreza na dodatu vrijednost ili drugih indirektnih poreza i primjena mjera trgovinske politike. Međutim, izvoznici imaju problem sa dokazivanjem da je roba napustila područje BiH, jer ne dođu u posjed primjerka 3 EX 1 prijave. Ona se vraća vozačima, koji u najvećem broju slučajeva nisu organizovani od strane izvoznika, strani su državljeni, te prijavu ne dostave izvozniku.

Postojeće rješenje je potpuno nepraktično i nepotrebno i dovodi do poteškoća prilikom dokazivanja izlaska robe sa područja BiH zbog čega su izvoznici izloženi plaćanju prekršajnih kazni i nemogućnosti povrata PDV-a, zbog čega se destimuliše izvoz i narušava vanjskotrgovinski bilans zemlje.

Inicijativa Udruženja poslodavaca FBiH upućena je Upravnom odboru Uprave za

indirektno oporezivanje, te je zatražen sastanak sa predstavnicima Sektora za carine UIO.

Inicijativa za izmjene i dopune Uputstva o postupku izvoza

Član 1.

U članu 4. stavu 1. tački c) riječi "podnošenjem carinske prijave u pisanim oblicima" se brišu. Iza riječi "tehnike" dodaje se riječ "elektronske".

Dodaje se nova tačka d) koji glasi:

"Iznimno, carinske prijave se podnose u pisanim oblicima, ako iste nije moguće podnijeti korištenjem tehnike elektronske obrade podataka."

Obrazloženje

Prema postojećem rješenju iz člana 4. Uputstva o postupku izvoza, carinske prijave se podnose u pisanim oblicima ili korištenjem tehnike obrade podataka. U praksi prevladava podnošenje carinskih prijava u pisanim oblicima, a takav način je prevaziđen i zastario, oduzima puno vremena, ali i sredstava, te ne dovodi do poboljšanja kvaliteta carinskih kontrola.

Uputstvom o postupku izvoza predviđena je mogućnost podnošenja carinskih prijava

korištenjem tehnike obrade podataka i taj sistem treba da se primjenjuje. Dodatni argument je što je u Upravi za indirektno oporezivanje BiH već 10-ak godina u upotrebi program ASYCUDA, putem kojeg se registruje uvoz i izvoz robe, što znači da postoje tehnički preduslovi za predloženo rješenje.

Prema informacijama kojima raspolažemo neki od izvoznika su na osnovu elektronskog razduženja dokazali da je roba izvezena. Ali, očigledno je da se o tome odlučuje u svakom pojedinačnom slučaju i da se sistem tehnike obrade podataka ne koristi do kraja.

Također, postojeće rješenje je prevaziđeno u carinskim propisima zemalja Europske unije i zemalja u okruženju. Prilikom ulaska i izlaska robe u navedene zemlje, ista se evidentira samo elektronski, bez ovjeravanja dokumentacije ili izdavanja pismenih uvjerenja.

Kao dokaz navedenom mogu poslužiti i rješenja iz susjednih zemalja Republike Hrvatske i Srbije. ***Prema Pravilniku o popunjavanju jedinstvene carinske deklaracije u Republici Hrvatskoj,*** jedinstvena carinska deklaracija se podnosi elektroničkom razmjenom podataka.

Iznimno, jedinstvena carinska deklaracija se podnosi u pisanim oblicima ako istu nije moguće podnijeti elektroničkom razmjenom podataka.

Navedeni pravilnik je u skladu sa Udredbom Komisije (EEZ) br. 2454/93 od 2. jula 1993. o utvrđivanju odredaba za provedbu Uredbe Vijeća (EEZ) br. 2913/92 o Carinskom zakoniku Zajednice.

U Republici Srbiji prema Uredbi o carinski dozvoljenom postupanju s robom („Službeni glasnik RS“, broj 93/10), izvozne deklaracije podnose se nadležnom carinskom organu korištenjem sistema elektronske obrade podataka.

Shodno navedenom, treba pristupiti usaglašavanju carinskih propisa u BiH sa carinskim propisima susjednih država i Europske unije.

Član 2.

Član 12. stav 2. se mijenja i glasi:

„Kada se carinska prijava podnosi korištenjem tehnike elektronske obrade podataka, popunjeni primjerak 3 EX 1 prijave carinski organ je dužan vratiti izvozniku na isti način. U slučaju iz člana 4. tačke d) ovog uputstva, carinski organ ovjereni primjerak 3 EX 1 prijave vraća deklarantu ili licu naznačenom u polju 50 te prijave.“

Stav 3. istog člana se briše.

Dodaje se novi stav 3. koji glasi:

„Kontrola: stvarnog istupa robe, poreza na dodatu vrijednost, drugih indirektnih poreza, ili primjene mjera trgovinske politike vršit će se uvidom u elektronsku bazu podataka.“

Obrazloženje

Prema postojećem rješenju iz člana 12. Uputstva o postupku izvoza carinski službenik izlaznog carinskog ureda fizički istup robe iz carinskog područja BiH potvrđuje zabilješkom na poleđini primjerka 3 EX 1 prijave. Ovjereni primjerak prijave vraća deklarantu ili licu naznačenom u prijavi, a ona se dalje dostavlja pošiljaocu ili izvozniku.

Pošiljaoc/izvoznik mora u evidenciji imati taj primjerak u fizičkom obliku, za potrebe kontrole stvarnog istupa robe,poreza na dodatu vrijednost ili drugih indirektnih poreza, te primjena mjera trgovinske politike.

Međutim, izvoznici imaju problem da dokažu da je roba napustila područje BiH, jer ne dođu u posjed primjerka 3 EX 1 prijave. Ona se vraća vozačima, koji u najvećem broju slučajeva nisu organizovani od strane izvoznika, strani su državljeni, te pomenutu prijavu ne dostave izvozniku.

Čak i u slučajevima kada se primjerak prijave vrati deklarantu (špediteru) problem predstavlja činjenica da u velikom broju slučajeva mjesto špeditera i mjesto carinjenja

nije isto. Vidljivo je da se radi o jednoj veoma komplikovanoj proceduri, gubitku vremena i nepotrebnom povećanju troškova špedicije i carine.

Postojeće rješenje je potpuno nepraktično i nepotrebno i dovodi do poteškoća prilikom dokazivanja izlaska robe sa područja BiH zbog čega su izvoznici izloženi plaćanju prekršajnih kazni i nemogućnosti povrata PDV-a,zbog čega se destimuliše izvoz i narušava vanjskotrgovinski bilans zemlje.

Na osnovu člana 41. Pravilnika o primjeni Zakona o PDV-u izvoznici se oslobođaju plaćanja PDV-a ako posjeduju izvoznu carinsku ispravu, odnosno ovjerenu kopiju izvozne carinske isprave o izvršenom izvozu dobara.

Na primjer, kompaniji čija isporuka vrijedi 2.500.000 €, a koja ne posjeduje izvozne carinske isprave bi se obračunalo PDV-a oko 430.000 € i plus zatezne kamate i plus kazne.

Inostrani kupci koji kupuju robu navode kako problem imaju jedino sa kompanijama iz BiH, što dovodi do smanjenja poslovanja, a shodno tome i do pada izvoza.U BiH se najveći izvoznici susreću sa ovim problemom. Kao primjer navest ćemo MS&WOOD, Prevent, Coca-Colu, koja je čak i platila kaznu zbog nečuvanja i neposjedovanja carinskih isprava. Izvoznike je nepohodno zaštiti, te im olakšati poslovanje, jer ne smijemozanemariti

činjenicu da oni čine nositelje razvoja države.

Također, postojeće rješenje je prevaziđeno i ne postoji u carinskim propisima drugih zemalja i Europske unije.

U razgovoru sa carinskim organima Republike Srbije rečeno nam je da se izvozniku ukoliko iz bilo kojeg razloga ne posjeduje carinsku deklaraciju ista pribavlja i printa iz elektronske baze podataka, tako da izvoznik ne podliježe nikakvim sankcijama, kao što je to slučaj u BiH.

Niti u jednom od navedenih propisa ne postoji odredba kojom se obavezuje izvoznik da dokazuje da je roba istupila sa područja države.

Ne možemo a da se ne osvrnemo i na **Zakon o carinskoj politici BiH**, koji je objavljen 2015. godine, ali se ne primjenjuje jer nisu doneseni odgovarajući provedbeni propisi. U ovom zakonu predviđeno je poslovanje bez upotrebe papirologije koja je trenutno neophodna prilikom izvoza. Želimo ukazati napotrebu ubrzanja procesa donošenja provedbenih propisa kako bi pomenuti zakon što prije stupio na snagu i počeo da se primjenjuje, zbog niza olakšica i pojednostavljenja, te približavanju propisima Europske unije.

Molimo vas da uzmete u obzir sve navedeno, jer je neophodna izmjena propisa kojima se

reguliše postupak izvoza robe u BiH po uzoru na propise susjednih država. BiH teži ka ulasku u Europsku uniju i shodno tome trebamo pristupiti usklađivanju propisa sa propisima EU, te kreiranju boljeg poslovnog ambijenta za poslodavce.

Napominjemo da se predloženim rješenjem neće ugroziti efikasnost rada carinskih organa. Čak se olakšava poslovanje i borba protiv zloupotrebe i nezakonitih postupanja na ovaj način može biti brža i još efikasnija. Ukoliko prihvate predloženo rješenje ukazujemo i na potrebu izmjene člana 41. Pravilnika o primjeni Zakona o PDV-u.

Zatražen sastanak sa predstavnicima Ministarstva vanjske trgovine i ekonomskih odnosa BiH s ciljem usklađivanja članova zakona RS-a i FBiH koji tretiraju deklaraciju proizvoda

Na sjednici Upravnog odbora UPFBiH održanoj 01. juna 2017. godine prihvaćena je inicijativa kompanije DM drogerie markt za usklađivanje članova zakona RS-a i FBiH koji tretiraju deklaraciju proizvoda.



Naime, u RS-u je ova tematika definisana članovima 23., 32. i 33. Zakona o zaštiti potrošača, kao i Pravilnikom o sigurnosti predmeta široke potrošnje, a u FBiH Zakonom o zaštiti potrošača BiH. Iako oba zakona istovjetno definišu pitanje označavanja roka trajanja proizvoda, nadležne inspekcije entiteta i Brčko Distriktu često na različit način tumače identične odredbe u vezi sa deklarisanjem proizvoda i sadržajem deklaracije. Na teritoriji RS-a prema Pravilniku o sigurnosti predmeta široke potrošnje, moguće je deklarisanje određenih proizvoda sa grafičkim simbolom, odnosno „otvorenom teglicom“, dok se u Federaciji BiH insistira i na

označavanju roka upisan na šarži.

U skladu sa zakonskim rješenjima, dm svoje proizvode deklariše na oba načina, ali inspekcija u RS-u ne priznaje deklaracije na kojima je i označen minimalan rok trajanja vidljiv samo iz šarže artikla.



Udruženje poslodavaca FBiH zakazalo je sastanak koji će se održati polovinom augusta 2017. godine sa predstavnicima Ministarstva vanjske trgovine i ekonomskih odnosa BiH kako bi se ukazala potreba za usklađivanjem zakonskih i podzakonskih akata na nivou entiteta i države sa zakonodavstvom EU i time olakšalo poslovanje u oba bh. entiteta.

Poslodavci apeluju na hitno donešenje Zakon o šumama FBiH i na zabrani izvoza trupaca

Udruženje proizvođača nameštaja BiH urgentno traži da se uredi oblast raspodjele sirovine u Federaciji BiH. Izuzev činjenice da drveta ima dovoljno, proizvođači namještaja ne mogu da obezbjede sirovinu za svoje potrebe, već moraju uvoziti iz zemalja okruženja ili šire. **Stoga traže da se urgentno doneše Odluka ili uredba o načinu raspodjele sirovine.**



Osnovni problem drvoprerađivača je nedostatak sirovine, jer veliki postotak izvoza otpada upravo na sirovinu i rezanu građu, a prioritet Bosne i Hercegovine bi trebao biti izvoz finalnih proizvoda. Apsurdno, iako je više od pola teritorije BiH pokriveno šumama, drvopredvičači su zbog bezakonja koje vlada u ovoj oblasti, prinuđeni sirovinu uvoziti. Državnim resursima gospodare kantoni koji su iskoristili pravni vakuum i u nedostaktu federalnog zakona kreirali svoje, a bespravna i

nekontrolisana sječa šuma je u porastu.

Sirovina se izvozi i rasprodaju se resursi po najnižim mogućim cijenama. Novi Zakon o šumama Federacije BiH bi mogao djelomično riješiti problem sa sirovinom, jer **firme koje se bave izvozom finalnih proizvoda nemaju dovoljne količine za proizvodnju**. Privrednici apeluju na vlast da hitno zabrani izvoz trupaca ili da uvede taksu za izvoz. Orientacijom na izvoz isključivo finalnih proizvoda ne samo da bi se ograničio izvoz sirovina, već bi se povećao i broj zaposlenih u tom sektoru.

Ukoliko se ubrzo ne donese Zakon o šumama FBiH, privrednici apeluju na donošenje Uredbe o krirerijima za raspodjelu sirovine drvoj industriji kako bi se osiguralo snabdijevanje za firme koji su izvoznici i koji se bave finalnom proizvodnjom.

Hrvatska je nedavno zabranila izvoz trupaca, a to je učinila i Crna Gora. Koliko god da će to pozivno uticati na privredu tih zemalja, ta nenajavljeni mjeri bitno će uticati i na drvoprerađivački sektor Bosne i Hercegovine, ali negativno. Ukoliko vlast u BiH hitno ne reaguje, **bit će ugroženo oko pet hiljada**

radnih mesta u BiH jer je velika potražnja za namještajem od hrasta čija se sirovina do sada uvozila iz Hrvatske.

Potrebno je drvnu industriju proglašiti strateškom granom privrede BiH, obzirom da

ima vlastitu sirovisnsku osnovu, dugogodišnju tradiciju i izraziti suficit, te, obzirom da je vlast još jednom pokazala nemar prema izvoznicima i ukinula im oslobođanje plaćanja poreza na dobit, sagledati mogućnosti poticaja na drugi način.

Održana III sjednica UO Grupacije poslodavaca Tuzlanskog kantona pri UPFBiH



Grupacija poslodavaca Tuzlanskog kantona pri Udruženju poslodavaca FBiH održala je 19. juna 2017. godine III sjednicu Upravnog odbora. Sjednici su, pored članova UO, prisustvovali i predsjednik i potpredsjednik Skupštine GR TK, član ESV-a za područje TK, kao i predstavnici krovnog Udruženja.

Nakon usvajanja Zapisnika sa prethodne sjednice, predsjednik UO Ramiz Karić upoznao je prisutne o statusu reprezentativnosti Grupacije. Ministarstvo za rad, socijalnu

politiku i povratak u Vladi Tuzlanskog kantona je 14.06.2017. godine donijelo Rješenje kojim je konačno utvrđena reprezentativnost GP TK čije članice na osnovu relevantne dokumentacije na području Tuzlanskog kantona zapošljavaju 29.536 osoba ili 34,85 posto ukupnog broja zaposlenih u privredi Tuzlanskog kantona.



Nadalje, Karić je informisao članove o održavanju tematske konferencije „Uvođenje dualnog sistema obrazovanja u sistem obrazovanja Tuzlanskog kantona“.

Konferencija će se održati, u saradnji sa Predstavništvom njemačke privrede u Bosni i Hercegovini i Privrednim udruženjem Wirtschaftsverein BiH, 27.06.2017. godine u 12:00 sati u prostorijama multimedijalne sale općinskog vijeća u Gračanici. Preporuka UO je da se u tim koji vodi Projekat „Uvođenje dualnog sistema obrazovanja u BiH“ uključi predstavnik Grupacije poslodavaca TK, te da se kod Ministarstva obrazovanja, nauke, kulture i sporta u Vladi Tuzlanskog kantona pokrene inicijativa za uvođenje dualnog sistema obrazovanja.



Po tačci dnevnoj reda o plaćanju članarine, zaključeno je da članarine trebaju biti iskorištene za provođenje programskih zadataka kroz najviše metode djelovanja, te će biti održana posebna sjednica Upravnog odbora Grupacije poslodavaca Tuzlanskog kantona na kojoj će se predložiti najprihvatljiviji način i metode plaćanja

članarine i njenu raspodjelu između općinskih udruženja poslodavaca, Grupacije poslodavaca TK i Udruženja poslodavaca FBiH u skladu sa važećim normativnim aktima.

Na osnovu dopunjene tačke Razno - Status firmi sa područja TK u odnosu na Konzum BiH, donesen je zaključak da Grupacija poslodavaca Tuzlanskog kantona pokrene kod UPFBiH inicijativu za rješavanje statusa poslodavaca sa područja Tuzlanskog kantona na osnovu koje bi direktor Udružnja poslodavaca FBiH Mladen Pandurević i predsjednik Skupštine GP TK Mensur Alić definisali oblik i metode zaštite poslodavaca sa područja Tuzlanskog kantona koji su u poslovnom odnosu sa firmom Konzum BH – članicom sistema Agrokor.

Ministarstvo za rad, socijalnu politiku i povratak utvrdilo reprezentativnost Grupacije poslodavaca TK

Ministarstvo za rad, socijalnu politiku i povrataka Tuzlanskog kantona donijelo je 14.06.2017. godine Rješenje o reprezentativnosti Grupacije poslodavaca Tuzlanskog kantona kao organizacionog dijela Udruženja poslodavaca FBiH.

Prema Rješenju, na osnovu broja zaposlenih lica, članova Grupacije poslodavaca TK 29.536 lica i broja zaposlenih u privredi na području Tuzlanskog kantona: 84.737 lica, neosporna je činjenica da Grupacija poslodavaca TK ima 34,85 posto zaposlenih članova, te ja na osnovu utvrđenog činjeničnog stanja neosporno da je Grupacija poslodavaca TK organizacioni dio Udruženja poslodavaca FBH,

te ispunjava uvjete iz člana 128. stav 1. i 4. Zakona o radu i smatra se reprezentativnim udruženjema.

Grupacija poslodavaca Tuzlanskog kantona kao reprezentativno udruženje će zastupati svoje članove pred poslodavcima, organima vlasti i drugim institucijama i pravnim licima, kolektivno pregovarati i zaključivati kolektivne ugovore i učestvovati u bipartitnim i tripartitnim tijelima sastavljenim od predstavnika organa vlasti, udruženja poslodavaca i sindikata.

Rješenje o reprezentativnosti možete preuzeti [OVDJE](#).

IX proširena sjednica Upravnog odbora UPFBiH

IX proširena sjednica UO UPFBiH održat će se 17.07.2017. godine sa početkom u 12:00 sati u prostorijama kompanije INSIDE BY EĆO, Pijačna 6, Sarajevo, sa sljedećim Dnevnim redom:

- 1. Usvajanje Zapisnika sa VIII proširene sjednice UO**
- 2. Razmatranje Nacrta Zakona o doprinosima**

- 3. Razmatranje Nacrta Zakona o porezu na dohodak**
- 4. Razmatranje Nacrta Zakona o računovodstvu i reviziji u FBiH**
- 5. Razmatranje Inicijative o ukidanju fiskalnih kasa u veleprodaji**
- 6. Tekuća pitanja.**

Materijale možete preuzeti [OVDJE](#).

Za privredu TK obezbjeđeno više od 25 miliona KM kreditnih sredstava

Na sjednici Vlade TK (04.07.2017.) usvojena je Odluka o izboru najpovoljnijeg ponuđača za plasman kreditne linije uz subvencioniranje dijela kamatne stope privrednim subjektima sa područja TK iz sredstava Budžeta za 2017. godinu. Ponuda Sparkasse banke proglašena je najpovoljnijom te će joj biti dodijeljen Ugovor o plasmanu kreditne linije privrednim društvima. Tako će 25 miliona KM biti dato na raspolaganje privredi u ovom kantonu, odnosno sa podizanje kredita u ovoj banci sa malom kamatnom stopom.

Taj novac će se privrednicima distribuirati po kamatnoj stopi od 1,2 posto, jer će tri posto kamate subvencionirati iz budžeta TK.

- Mi smo očekivali iznos od 22 ili 23 miliona, a dobili smo više od 25 miliona KM. Možemo kazati da je ovo jedan od najboljih projekata, jer samo mi imamo tu ponudu sa tako niskom kamatom - pojasnio je ministar industrije, energetike i rudarstva TK Srđan Mićanović.

Nakon potpisa ugovora, posao preuzima pomenuta banka, preko koje će ići ponude i filtracija, ali i odgovornost.

- Vlada će se pitati samo koliko novca u određeni sektor treba plasirati - istakao je



ministar i dodao da jedna kompanija može dobiti maksimalno dva miliona maraka.

Dodaje da u Vladi očekuju da ovaj kredit dovede do otvaranja novih radnih mesta, povećanja finansijskog poslovanja i porasta investicija.

- Banka će nas izvještavati o svim informacijama koje dobija od korisnika, uključujući i otvaranje novih radnih mesta. Intencija nam je da za kredit apliciraju samo kompanije sa područja TK - rekao je Mićanović.

Za sredstva koja su na raspolaganju neće moći konkurisati firme iz duhanske industrije, one koje se bave proizvodnjom alkohola i organizatori igara na sreću. Rok za realizaciju kredita je 12 mjeseci, ali ministar očekuje da se sve sredstva podijele do kraja godine.

Diskusija „Porezi: Dobitak ili odbitak“

U prostorijama ASA Groupa, a u organizaciji Centra za promociju civilnog društva (CPCD) i US Alumni asocijacija u BiH 20.06.2017. godine je organizirana prva u nizu javnih diskusija o ključnim društveno-ekonomskim temama, pod nazivom „Porezi: Dobitak ili odbitak“.



Brojni stručnjaci, među kojima predstavnici državnih institucija, akademske zajednice, privrednika i civilnog društva govorili su o novom prijedlogu Zakona o porezu na dohodak FBiH, kako bi pojasnili konačni utjecaj ovog zakona na ekonomiju ovog bh. entiteta.

Većina govornika istaknula je kako novi Zakon o porezu na dohodak nema neutralan učinak, te je potrebno mnogo više raditi na prilagodbi ostalih poreza, čime bi se ravnomjerno rasporedile obaveze na sve članove ekonomске zajednice.

„Nama je potrebna cjelovita reforma

cjelokupnog sistema i moramo ući u najveći problem u kojem se stvara unutrašnja dubioza, odnosno, problem socijalnog i zdravstvenog sistema. Također, važna je i reforma penzionog sistema, koji nam može izazvati socijalni bunt, a jasno je da se nikakva reforma ne radi pod upalom. Odnosno, potrebno je da zadržimo dobre radnike, inženjere, kojima ćemo ponuditi velike plate olakšavajući privrednicima, a da država uzme onoliko koliko joj treba“, istaknuo je Izudin Kešetović, profesor s Ekonomskog fakulteta Univerziteta u Tuzli i stručnjak za porezni sistem BiH.

Ljubiša Đapan, direktor Federalnog zavoda za programiranje razvoja navodi da se po novom Zakonu predviđa oporezivanje toplog obroka, regresa i prijevoza, dok se zbirne stope smanjuju, tako da se dobije neutralni efekat.

„Ovo znači da zbirna stopa neće više biti 41,5 posto, već 33 posto“, kaže Đapan.

Pojasnio je kako je do 700 KM lični odbitak i nema plaćanja poreza na dohodak. Na 800 KM do 1.500 KM plaća se porez od 10 posto, a na plaće veće od 1.500 KM plaća se porez po stopi od 20 posto.

"Ukinuti su posebni doprinosi na teret poslodavca i doprinosi na teret radnika, uvedene je jedinstvena stopa i jedinstveni doprinosi i svi ulaze u bruto doprinos", istaknuo je Đapan.



Suad Ećo, vlasnik i direktor Ećo Company smatra da će, kada su u pitanju plaće sa većim iznosom, doći do opterećenja i to opterećenje će se prenijeti na poslodavce.

"Mi kao poslodavci, zaista ne možemo razmišljati o smanjenju plaća, ionako se borimo da ljudi zadržimo unutar svojih kompanija, jer je trend odlaska", kazao je Ećo, ističući kako se trebalo ići na rasterećenje privrede kako bi se došlo do novog investicionog ciklusa i novog zapošljavanja.

Adnan Smailbegović, predsjednik Upravnog odbora Udruženja poslodavaca FBiH kaže kako će se statistički gledano novi Zakon o doprinosima negativno odraziti na radnike ili na poslodavce gdje su niže plate.

Muamer Mahmutović, predsjednik Privredne komore KS kao privrednici generalno žele sveobuhvatni pristup promjenama zakonskih rješenja.

„Ovaj zakon će za nekog biti dobitak, a za nekog odbitak. U suštini on će možda biti neutralan za državu, a mi želimo, kao predstavnici privrednika, da se ide na rasterećenje rada, a ne opterećenje potrošnje. No, prave efekte zakona moći ćemo izmjeriti tek kada ono uđe u primjenu", kazao je Muamer Mahmutović, predsjednik Privredne komore Kantona Sarajevo.



Muhamed Pilav, direktor firme MS&WOOD kazao je kako bez ubrzanog rasta realnog sektora, bh. ekonomija i društvo će doživiti kolaps.

Zaključci i prijedlozi koji su usvojeni na diskusiji, bit će upućeni nadležnim tijelima Vlade FBiH, kao kvalitativni doprinos procesu konsultacija prije donošenja ovih zakonskih rješenja.



NoLimit Premium

Premium korisnici zaslužuju **premium** paket...

Neograničen mobilni internet *

Neograničeni razgovori *

Neograničeno slanje SMS poruka prema svim mrežama u BiH *

Svi telefoni iz ponude BH Telekoma za samo **1 KM**

Mjesečna pretplata iznosi 170 KM sa PDV.

*Neograničen mobilni internet, neograničeni razgovori, neograničeno slanje SMS poruka na fer principu (korištenje po fer principu podrazumejava **30 GB** mobilnog interneta po maksimalno mogućoj brzini prijenosa, **5000 minuta** razgovora unutar mobilne i fiksne mreže BH Telekoma, **1000 minuta** razgovora prema drugim fiksnim i mobilnim mrežama u BiH, **1000 SMS** poruka prema mobilnoj i fiksnoj mreži BH Telekoma, kao i drugim mobilnim mrežama u BiH).



www.bhtelecom.ba
Dajemo više. BH Telecom





UDRUŽENJE POSLODAVACA FBiH

MULA MUSTAFE BAŠESKIJE 12/3, 71 000 SARAJEVO

TEL: 00 387 264 830

FAX: 00 387 33 552 461

MAIL: info@upfbih.ba

WEB: www.upfbih.ba